

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

Na osnovu člana 21. tačka 26., a u vezi sa članom 116. stav (3) Statuta Grada Zenica ("Službene novine Grada Zenica", broj 5/15) i člana 44. Poslovnika Gradskog vijeća ("Službene novine Grada Zenica", br. 4/17, 4/20 i 10/21), Gradsko vijeće Zenica, na tematskoj sjednici održanoj 27.1.2026. godine, donijelo je

ZAKLJUČAK

I

I. Strateški smjer – priprema i izrada stručne studije

1. Zadužuje se Gradonačelnik Grada Zenice da, u saradnji sa Gradskom upravom, formira radnu grupu sa zadatkom da pripremi jasno definisan projektni zadatak za izradu cjelovite stručne studije budućnosti sistema daljinskog grijanja u Gradu Zenica.
2. Projektni zadatak treba da jasno definiše ciljeve studije, njen obuhvat i metodologiju, ključna pitanja na koja studija treba da ponudi odgovore, kao i kriterije na osnovu kojih će se razmatrati i upoređivati mogući scenariji rješenja.
Projektni zadatak će definisati i obavezu nezavisne revizije izrađene studije od institucija koje su za to akreditovane.
3. Rok za izradu i dostavljanje projektnog zadatka Gradskom vijeću iznosi 60 dana od dana usvajanja ovog zaključka.
4. Nakon usvajanja projektnog zadatka od strane Gradskog vijeća, zadužuje se Gradonačelnik Grada Zenice da pokrene postupak formiranja stručnog, interdisciplinarnog tijela, ili angažovanja odgovarajućih stručnih institucija, sa zadatkom izrade cjelovite stručne studije sistema daljinskog grijanja u Gradu Zenica.
5. Stručno tijelo ima zadatak da izvrši analizu postojećeg stanja sistema grijanja, identifikuje ključne tehničke, ekonomske i organizacione probleme, te razradi i uporedi održive i dugoročno primjenjive scenarije rješenja, uključujući njihove finansijske, socijalne i ekološke efekte.
6. Studija treba da posluži kao stručna osnova za buduće odluke Gradskog vijeća, kao i za javnu raspravu, te za eventualne investicione i reformske procese u oblasti daljinskog grijanja.
7. Rok za izradu i dostavljanje studije Gradskom vijeću iznosi šest-devet mjeseci od dana usvajanja projektnog zadatka.

II. Operativni smjer – mjere koje se provode u prelaznom periodu

1. Zadužuju se Gradska uprava Grada Zenica i JP „Grijanje“ Zenica da, u okviru svojih nadležnosti i važećih propisa, realizuju sljedeće aktivnosti:

27.1.2026.
A

- a. pripreme i provedu prelazne mjere u vezi s režimom zagrijavanja, uz uvažavanje tehničkih mogućnosti sistema i stvarnih potreba korisnika;
 - b. završe započete aktivnosti na izradi novog tarifnog sistema, te pripreme prijedlog odgovarajućih odluka i akata, s ciljem da novi tarifni sistem bude spreman za primjenu najkasnije do početka naredne sezone grijanja;
 - c. planiraju i intenziviraju ulaganja u energetska efikasnost, posebno u dijelu smanjenja gubitaka u sistemu, unaprjeđenja regulacije i racionalnije potrošnje energije kod krajnjih korisnika;
 - d. unaprijede transparentnost rada sistema daljinskog grijanja, kroz redovno informisanje Gradskog vijeća i javnosti o stanju sistema, poduzetim mjerama i njihovim efektima.
2. Zadužuje se Gradska uprava da, u saradnji sa JP „Grijanje“ Zenica, pripremi i predloži Gradskom vijeću potrebne odluke, izmjene i dopune akata, kako bi se omogućila realizacija navedenih aktivnosti.

II

Zaključak stupa na snagu danom donošenja.

Broj: 01-45-2707/26
Zenica, 27.1.2026. godine



**PREDSJEDAVAJUĆA
GRADSKOG VIJEĆA**

Snježana Vrhovac

DOSTAVLJENO:

- 1x Gradonačelnik
- 1x Služba za komunalne djelatnosti
- 1x JP „Grijanje“ d.o.o. Zenica
- 1x Stručna služba Gradskog vijeća i Gradonačelnika
- 1x a/a